



BOSNA I HERCEGOVINA  
URED ZA RAZMATRANJE ŽALBI  
*Filijala/Podružnica Mostar*

БОСНА И ХЕРЦЕГОВИНА  
КАНЦЕЛАРИЈА ЗА РАЗМАТРАЊЕ ЖАЛБИ  
*Филијала Мостар*

Broj: JN2-03-07-1-636-6/21  
Mostar, 29.04.2021. godine

Ured za razmatranje žalbi BiH, filijala Mostar rješavajući žalbu ponuđača Asa osiguranje d.d. Sarajevo, zastupanog po punomoćniku Erminu Velićanin, advokatu iz Sarajeva bez broja od 19.02.2021. godine izjavljenu na Tendersku dokumentaciju, u postupku javne nabavke – Nabavka usluga osiguranja, ugovornog organa JP Vodovod i kanalizacija d.o.o. Zenica, na osnovu člana 93. stav (7), člana 106. stav (2), člana 111. stav (1) tačka b) Zakona o javnim nabavkama ("Službeni glasnik BiH" broj: 39/14), na sjednici Vijeća II održanoj 29.04.2021. godine, donio je

## ZAKLJUČAK

**ODBACUJE SE** žalba ponuđača Asa osiguranje d.d. Sarajevo, zastupanog po punomoćniku Erminu Velićanin, advokatu iz Sarajeva bez broja od 19.02.2021. godine izjavljena na Tendersku dokumentaciju u postupku javne nabavke - Nabavka usluga osiguranja, ugovornog organa JP Vodovod i kanalizacija d.o.o. Zenica, kao **neuredna**.

## Obrazloženje

Ugovorni organ JP Vodovod i kanalizacija d.o.o. Zenica (u daljnjem tekstu: ugovorni organ) je pokrenuo Otvoreni postupak javne nabavke - Nabavka usluga osiguranja.

Predmetna nabavka objavljena je na Portalu javnih nabavki dana 12.02.2021. godine, broj Obavještenja o nabavci: 439-1-2-76-3-32/21. Nakon objave Tenderske dokumentacije potencijalni ponuđač Asa osiguranje d.d. Sarajevo (u daljnjem tekstu: žalitelj) izjavio je žalbu, koja je u skladu s članom 100. stav (5) Zakona o javnim nabavkama prosljeđena ovom organu kod koga je zaprimljena dana 02.03.2021. godine.

Prije nego što se upustio u meritorno odlučivanje, ovaj organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se pristupilo njenom rješavanju, a odnose se na dopuštenost, blagovremenost i izjavljenost od ovlaštenog lica u skladu sa članom 109. stav (1) Zakona o javnim nabavkama, kao i na pretpostavke propisane članom 105. Zakona o javnim nabavkama.

Pri provjeri predmetnih pretpostavki, ovaj organ je utvrdio da sadržaj žalbe ne odgovara odredbi člana 105. Zakona o javnim nabavama, jer žalba ne sadrži dokaz o plaćenju naknade za pokretanje žalbenog postupka, koju je žalitelj obavezan uplatiti u iznosu propisanom članom 108. Zakona. Članom 108 stav (3) Zakona propisana je obveza Ureda za razmatranje žalbi BiH da prije razmatranja žalbe utvrdi da li je žalitelj uplatio naknadu za pokretanje žalbenog postupka.

Ovaj organ je od žalitelja aktom broj JN2-03-07-1-636-3/21 od 04.03.2021.godine (koji je zaprimljen kod žalitelja 10.03.2021.) zatražio da dopuni žalbu tako što će dostaviti dokaz o uplati naknade za pokretanje žalbenog postupka u iznosu od 800,00 KM.

U konkretnom slučaju uvidom u raspoloživu dokumentaciju, ovaj organ je utvrdio da žalitelj nije u ostavljenom roku od tri dana postupio po aktu broj JN2-03-07-1-636-3/21 od 04.03.2021.godine, nije dostavio dokaz o plaćenju naknade za pokretanje žalbenog postupka u iznosu od 800,00 KM.

U vezi s navedenim a u skladu s odredbama člana 105. i 106. Zakona o javnim nabavkama ovaj organ je utvrdio da je žalba neuredna, te je kao takvu treba odbaciti.

Kako je ovaj organ poduzeo sve radnje da se nedostaci u žalbi otklone, određivši rok u kojem je podnositelj žalbe dužan to da ispuni, a da žalitelj i nakon dopisa ovog organa nije postupio po odredbama Zakona o javnim nabavkama, to je ovaj organ pozivajući se na odredbe prednje navedenih propisa, kojim je propisano da kod donošenja odluke o žalbi, Ured za razmatranje žalbi BiH, u skladu s članom 111. stav (1) tačka b), ima ovlasti, odbaciti žalbu kao neurednu, odlučio kao u izreci ovog zaključka.

#### **POUKA O PRAVNOM LIJEKU**

Ovaj zaključak je konačan i izvršan. Protiv ovog zaključka može se pokrenuti upravni spor podnošenjem tužbe Sudu Bosne i Hercegovine u roku od 30 dana od dana prijema zaključka. Taksa na tužbu iznosi 100,00 KM



Dostaviti:

- advokat Ermin Veličanin
- JP Vodovod i kanalizacija d.o.o. Zenica
- Evidencija
- a/a